

OBUFA JERUSALEM

Eriyarare 21:1-27

QYQHỌ UKPEP-ŃKPỌ 466

Eke Mkp̄arawa

IKỌ IBUOT: “Owo eke akande eyeda ńkpọ emi enyene; ndien nyedi Abasi esie, enye eyenyuń edi eyen Mi.” (Eriyarare 21:7).

Ńkukut Emi Qyqhọde Ye Ubọń

John, isuń-utom Christ ama enyene ńkukut abańa mme enyene ndik ńkpọ-ntibe nte edade itie, mme enyene ndik ubierikpe emi ekeńwańade eduok mme andisin Christ ke idem. Edi ke kpukpru emi ama okokure, ndise efen eberede ke iso esie ye ubọń emi okosohide kpukpru mme ekikere eken ke esit esie efep. Enye ama okut obufa enyọń ye obufa isoń. Akani isoń emi okoyqhọde ye ediwak ndutime ye mfuhọ ye mbukpo utom, ebiet emi satan ekenyenede okposọń odudu, ama ebe efep. Abasi emi akanamde akpa isoń, ama anam obufa emi idiok-ńkpọ mikoduhe. John ama okut osim ini iso emi edinọde Satan udeme ke mkpodiọhọ ikań, ndien idikemeke aba ndisin ndutime. Kpukpru mme anam idiok, “mmọ emi emade mbubiam ido, ye mme owot owo, ye mbon use, ye mbia idiọń, ye mme okpono ndem, ye kpukpru mme osu nsu, . . .” eyedu ye enye.

Ke akpanikọ, emi qwọrọ kpukpru mme osu-nsu. Abasi idinyeneke ndomo osu nsu kiet ke obio ubọń Esie. Ediwak owo inamke akpanikọ mfin inyuń itimke ikere ete ke edi se mifonke ndisu nsu, edi Abasi ekere kpukpru mmọ emi esude nsu mme enamde abiańa, eyenyene udeme mmọ ke mkpodiọhọ ikań, ikań emi midinimeke, ufen emi edisuk akade iso ke nsinsi.

Ubọń Obufa isoń editie didie! Nnyin iyekeme ndinin kpukpru owo ke akpanikọ. Kpukpru eyedi emem, ekọń ididuhe aba. Mfuhọ iduhe, Abasi eyekwohọre kpukpru mmọń-eyet ke enyin mme owo efep. Mme owo eyedu uwem ke nsinsi; mkpa ididuhe aba. Nso utọ itie idaresit ke oro edidi ndiduń! Edi ke akande oro, qdọhọ ete ke Abasi eyeduń ye mme owo, oro edi, idighe Jesus ikpọń, edi ye Abasi Ete. Idaha emi nnyin imekeme ndikere mbańa Abasi nte ke eneńere oyom usuń, onyuń osọń owo ndisańa mkpere. Nnyin ikemeke ndidi ntiene Ete ke mibohọke ndisańa mbe ke Jesus. Edi ini oro enye eyeduń ye ikọt Esie: “Mmọ eyedi ikọt Esie, Abasi ke idem Esie eyenyuń odu ye mmọ, onyuń edi Abasi mmọ.” Yak ikere ite ke nnyin owo kiet-kiet imekeme ndibeńe idem idaha emi ndiduń ke obufa ererimbot oro!

Nnyin inyene ndikan idiok-ńkpọ ke uwem emi man oto do ibeńe idem ndiduń ke obufa ererimbot ye Abasi. Owo ekededi eke oyomde ndińwoń “mmọń uwem” oro, nnyuń ndu uwem ke nsinsi, ekeme ndinam ntre. Edi owo kiet-kiet enyene ndisin ifik, enyene nditim idemesie ndidu uwem nno Jesus. Nnyin inyene ndidi ntiene Jesus idahaemi, nnyuń nnim mme mbet Esie. “Owo eke akande eyeda ńkpọ emi enyene; ndien nyedi Abasi esie, enye eyenyuń edi eyen mi” (Eriyarare 21:7). Jesus odu ke Heaven idahaemi nditim mme ebiet-iduń nno nditọ Esie. Idukke ke esit owo mme ńkpọ eke Enye otimde ebeńe nnyin. Enye ofon akan ńkpọ ekededi emi nnyin ikemedede ndikere mbańa.

Obufa Jerusalem emi John okokutde nte otode ke Abasi osuhọre ke Heaven edi eyetim enyene ubọń akan obufa isoń. ńwed Abasi itińke inọ nnyin mme enye okosuhọrede ekpere isoń adańa didie, edi enye etiń ete ke mme idut ekesańa ke uńwana esie. Enye akayama ye uńwana Heaven. ńwan-ndọ Christ eyeduń ke esit.

ńwan-ndọ Christ

ńwan-ndọ Christ edi ńwọrọ-nda iduok mme anditiene Christ. Mmọ edi mbio ini Edisana Spirit, ini Obufa Ediom, emi ekemanade obufa, nte emi Jesus eketińde qnọ Nicodemus ke John 3:7; enyuń enam mmọ esana qyqhọ-qyqhọ, nte emi Jesus okqbọńde akam qnọ mme mbet Esie ke akpatre okoneyo Esie ke isoń (John 17); ema enyuń ebọ Udu ok-mmọń Edisana Spirit; iberedem emi Jesus okqńwońode ke ini Enye okqnyqńde.

Ndikere nte ke nnyin ini kiet ima ibọ uduok-mmọń Edisana Spirit ikemke. Nnyin inyene kpukpru ini ndidu uwem nte ekemde ye Ikọ Abasi, nnyuń mmum edikan ke esit nnyin ńkama. Edieke nnyin iduokde ufiop-ufiop ye nsin-ifik ke abańa utom qbọń emi nnyin ikenyenede ini kiet, edieke nnyin idude uwem ye unana ntiń-enyin, edieke ndot-ndot ye spirit edisiońo ndo enyónide oduk, edieke nnyin itimde inyene inem ke

mme nkpo ererimbot ikan mme nkpo Abasi, nnyin imosio ima Abasi iduok ke esit nnyin. Usun kiet odu nnyin ndifiak nnyene enye: toño ke akpa beñe Jesus ndifen mme idiok-nkpo oro, toño ntak bon akam yom edinam-asana, ndien nko uduok-mmõñ. Nnyin inyene ndidi mme anditiene-Christ emi idude uwem erikan man ikeme ndidun ke Obufa Jerusalem.

Owo 120 emi ekedude ke Ubet Enyõñ ekedi akpa ibon ndibõ uduok-mmõñ Edisana Spirit. Mbon efen ema ebõ enye ke ini ukwõrõ-ikõ mme Isun-utom Christ (Utom Mme Apostle 10:44-48; 19:6). Ekekot oro Akpa Edim. Ke mme ediwak isua emi eketienede edem, ama odu mme ini emi owo kiet-kiet ye mme otu owo ekesibõde Uduok-mmõñ Edisana Spirit, edi ikañwañake enye inõ uwak-uwak tutu osim isua 1906, emi Ukpere-edem edim okõtoñõde ndidep. Nnyin idi mmõ oro idude “nsan-nsan” emi Peter eketinde abaña ke usen Pentecost (Utom Mme Apostle 2:39). Ke ema ekeyet nnyin isana oyõhõ-oyõhõ nnyin imebeñe idem ndibõ uduok-mmõñ Edisana Spirit. Ke akpanikõ, ewuk nnyin ndibõ enye. Oto ke Uduok-mmõñ Edisana Spirit nnyin itim inyene odudu ndikan idiok-nkpo; nnyin inyene Spirit ke uwem nnyin ndiñwam nnyin ndidu uwem owo Abasi; nnyin inyene Iberedem ndiñwam nnyin ke mme ini afanikõñ; nnyin inyene odudu ndidi mme okopidem ntiense nno Qõõñ ke ini nnyin isuk idude uwem ke ererimbot emi; ndien ke ini Qõõñ edidide ndimen Nwan-ndõ ndõk, nnyin iyenyene oro ke esit nnyin emi ediyerede ikot Esie, ndien nnyin iyewõrõ ikpõñ ererimbot emi ye uwem.

Obio Emi Edem Mbinañ Edide Ukem

Enõ nnyin ediye ndise ke nditiñ ñwut nte Obufa Jerusalem etiede. Enõ nnyin kpa ye ofuri udomo esie. Enye edi itiat ikie efut ke uniõñ, itiat ikie efut ke ubom, ye itiat ikie efut ke ukoñ. Ediwak ubet eyedu õõõ kpukpru owo emi edotde ndidun do. Mme efak esie enam ke nsem-nsem gold. Owo ndomo kiet ididuhe ke usen oro emi edinyamde ukpõñ esie ke ntak gold. Kpukpru owo eyefiok se uwem owõrõde ke akpanikõ. Gold eyedi suk itiak emi edade ediõñ usun.

Mme inua-otop ita (kiet-kiet eyedi akamba õõõ urua itiat) ke ibibene kiet-kiet, emi ediwõrõde duopeba ke ofuri. Mme enyiñ esien Israel duopeba eyedu ke mme inua-otop oro. Emi owut ete ke Abasi ekebem iso õõõ Abraham ye ubon esie, kpa Nditõ Israel, Eti-mbuk Esie. Mmõ ekedi mbon oro akanade nte ebe ke mmõ ekwõrõ Eti-mbuk emi ke ofuri ererimbot. Mmõ ekedi “mme inua-otop” obio ubõñ Abasi.

Idiberike mme inua-otop Obufa Jerusalem. Mme mmõ emi eduñde do eyenyene unen ndiduk nnyun ñwõrõ ini eke mmõ emade. Ndisana ikõ Abasi emi enyenede ubõñ eyenyene ukem ikpõhidem emi Jesus ekenyenede ke Enye ama ekeset ke mkpa, eyenyun ekeme ndika ebiet eke ededi ke mmõ ediduakde ndika. Nditõ Abasi emi edide mme andikan eyenam mmõ edi ndidem ye mme oku enõ Abasi, “Mmõ eyenyun eda ubõñ ke isõñ” (Eriyarare 5:10). Okoneyo ididuhe ke Obufa Jerusalem. Ubõñ Abasi eyenam enye edi unwana, owo idiyomke utin me õfiõñ.

Nte John okosuk esede utibe ndise emi ke iso esie, enye ama okut mme itiat idak isõñ ke idak mme ibibene oro. Mmõ ekedi duopeba, eda nsio nsio itiat enam mmõ kiet-kiet, ndien ke mmõ ewet enyiñ Mbet Duopeba ke esit. Ndien enyiñ esie ekedi kiet ke otu oro.

Ikot John

Mme nkpo se ikotibede ewak didie õtoñõde ke usen oro Jesus okokotde John ye eyen-eka esie Andrew nte mmõ ekesuk ekõde iyak ye ete mmõ! “Ndien ndo-ndo oro mmõ edaha ekpõñ ubom ye ete mmõ, etiene Enye” (Matthew 4:22). Jesus ke ini oro ekedi “sun-sun owo Nazareth,” emi ibat-ibat owo ekekerede nkpo ebaña. Mbon ufõk Abasi ekesasua Enye. Nditiene Jesus ekedi nkpo esuene. James ye John ikobupke mbume ibaña ikot Jesus. Mmõ ikesinke ekikere ke ndikõ mme nkpo nno idem mmõ. Nkukure se mmõ ekeyomde ekedi ndiñwam Jesus ke ndinam Obio Ubõñ Esie atara. Mmõ ema enyime nditiene Jesus ke usuhõre idaha Esie, ndinyun mkpa ke ntak Esie. Mmõ ikõfiõke mme akpakub eridiõñ emi akanade õõõ mmõ.

John ikõfiõkke ke usen oro ke esuk Galilee ite ke imõ ke usen kiet iyewet mme ñwed emi ediwak ibat owo edikõde; mfin emi Nwed Abasi edi ñwed emi anyamade akan ke ofuri ererimbot, ke nkpo nte tosin isua iba ama ekebe; nko esuan ediwak ñwed obufa Ediomì, emi esinede mme ñwed emi John ekewetde edõñ ke ofuri ererimbot ke mme usem eke ewakde ekan tosin kiet.

Edieke John mikpekeyereke ikot Jesus ke usen oro, õkpõõõñ owo ekededi ndifiok nte enye ama odu. Ubon esie ye mme ufan esie ekpekekpaña ye enye, ndien owo ndomo kiet efen ikpetighi ibaña enye. Koro sun-sun õkõ-iyak oro ama onyime ikot Jesus, ata ediwak owo efiok nkpo ebaña enye mfin emi. Enye ama ewet nkpo abaña Jesus “man mbufo enim ke akpanikõ ete Jesus edi Christ, Eyen Abasi; man ke erinim ke

akpanikọ, mbufo ekpenyene uwem ke enyiñ Esie” (John 20:31). Enye ikewetke man onim enyiñ ọnọ idem esie, edi man emenere Jesus ke enyoñ man Enye oduri ediwak ukpoñ mme anam-idiok ọnọ Idem Esie.

Ndien ke John ama okpo ediwak ufen ke ntak Christ, enye ama okut enyiñ esie ke itiat-ukot-ufok Obufa Jerusalem! Enye ama ofiok ete mme mfina imo eyesop ebe efep. Imo iyesop idu ye Jesus. Ke ini enye ama okokut mme nkukut emi enye ama ofiok ete imo iyedi kiet ke otu mme isuñ-utom Christ emi editiede ke mme ebekpo duopeba, ekpe ikpe eno Israel. Nso utọ utip akana ebet Enye!

Nso utọ utip ebet nnyin nko! Owo kiet-kiet eyebo utip ke idaha esie nte ekemde ke ikot ye edinam akpanikọ esie. Edi kpukpru mme anam akpanikọ eyeyuhọ ye utip eke mmọ edibode. Nso utọ uboñ ke edidi ndikop Jesus odohode ye nnyin ete: “omotim anam, afo eti asaña-utom ye owo akpanikọ: akanam akpanikọ ke se miwakke; nyenim fi ekpeme ediwak nkpọ.”

MME MBUME

- 1 Ke mme ubierikpe ama okokure, nso ke John okokut?
- 2 Nso ikotibe ino mme idiok owo? Nso ikotibe ino mme osu nsu?
- 3 Anie okobot ererimbot? Nso ke Abasi eketiñ ete Imo iyenam ke ema ekesobo akani ererimbot?
- 4 Mmọñ ke Abasi ediduñ?
- 5 Nso ke nnyin inyene ndinam man inyene udeme ke uwem oro ke obufa ererimbot oro?
- 6 Nso ke mme andikan edida enyene?
- 7 Obufa Jerusalem edikpon didie, nko mmọñ ke enye edito edi?
- 8 Nso edidi unwana ke Obufa Jerusalem?
- 9 Tiñ wut nte mme inua-otop obufa Jerusalem etiede.
- 10 Nso ke John okokut ke mme itiat-ukot-ufok oro?